

KA  
**LAMA HAWAII.**


HE MEA IA E HOOLAHA IKE, A HE MEA HOI E PONO AI KE KULANUI.

*I naau po ka uhane, aole ia he maikai.* NA SOLOMONA.

Makahiki 1.

MAUI LAHAINALUNA MARAKI 28. 1834.

Helu 7.



**H E L I O.**

NO KA LIO.

He mea hanohano ka Lio, ua nani kona hehehela. Ua kiekie kona poo, ua pio maikai ka ai, ua loihi ke kino, ua wiwi na wawae, ua ikaika nae a ua hinuhinu maikai kona oho.

He mea haaheo ka Lio, ua lokomaikai nae. Ua ikaika ia, i ke kahu i ke kaa, a i ka lawe i ke kanaka ma kona kua. O kona mau kapuai, oia kona mea e pale aku ai i ka hewa. Ua makemake ia i ka ululaa. Ina i pulu i ka hou, alaila kaa no ia ma ka lepo, a e hea aku no ia i kona hoa ma kona uwe ana.

He umikumamalua ona niho, eha ole, a he wakaalua kui.

He eleele kekahi Lio, he keokeo kekahi Lio, he ulaula kekahi, he kikokiko kekahi, he olenalena kekahi, he ahinahina kekahi, a nui aku no ke ano.

O ka pipi wale no ka mea i oi aku kona maikai mamua o ko ka lio.

I ole ka lio, alaila, aole hiki na halekaa, a me na kaa, a me ka holo wawe o ke kanaka ma kahi loihi. I ole ka lio, aole hiki wawe na eke palapala ma na aina naauao, a e lohi no hoi na hana, a me ka mahi ai ana, a me ka lawe ukana ana, a me ka holo ana o na waapa ma na muliwai i eliiia.

Ke ola la no ka Lio ma na aina a pau, kaikaiki na aina i koe. He kauwa maikai ka Lio; poino na aina ke loa ole.

Ma na ululaa ma Afrika, a ma Amerika Akau, holo wale na Lio hihii he nui loa, he mau haneri no ma kahi hookahi. E hele pu no lakou, no ko lakou aloha kekahi i kekahi, a i mea hoi e hiki ai ke pale i ka hewa, ke kii maikai kekahi ilio hae ia lakou.

O ka Elepani a me ka ilio maoli, o laua wale no na mea i oi aku ka lakou ike mamua o ka lio. E hiki no ke ao aku ia ia, e moe, a e ala mai ma ka olelo ana a ke kahu, a e hele aku, a hoi mai, a e hana i na mea he nui loa.

No Arabia na Lio maikai loa. Ua lili no, aka, ua maikai, ua mama, ua laka, a e holo no ma kahi loihi loa me ka hoomaha ole. He poe Lio lokomaikai loa lakou, aole paupauaho.

Ua olelo ia, he lokomaikai ko Arabia i ka lakou lio, a nolaila ka lokomaikai mai o ko laila lio. I ka wa i uuku ka lio, malama no lakou, a olelo lokomaikai aku, a ao aku ia lakou e paani a lelele pu me na kamalii. Aole lakou e hahau i ke kaula, e like me ko Beritania a me ko Amerika a me ko Sepania, e malama e like me ka malama ana i ka makamaka. I kekahi manawa, moe pu no na keiki o ko A-